

Солиҳларнинг бир-бирларига тавсиялари



11:00 / 05.09.2023 1810

Солиҳлар бир-бирларига уч нарсани тавсия қилишарди. Агар тарозининг бир палласига олтин, бошқасига шу гапларни қўйилса, бу гаплар оғир вазн босади.

1. Ким ўзи билан Аллоҳ таолонинг ўртасини ислоҳ қилса, Аллоҳ таоло у бандаси билан инсонларнинг ўртасини ислоҳ қилиб қўяди.

Аллоҳ таолога қулликни ўрнига қўйган банданинг бошқа бандалар билан муносабати, Аллоҳ таолонинг фазли билан яхши томонга ўзгаради.

2. Ким ичини ислоҳ қилса, Аллоҳ таоло у бандасининг ташқарисини ислоҳ қилиб қўяди.

Қалб касалликларидан тузалишга уринган банданинг ташқи аъзолари билан қиладиган ишлари ҳам, Аллоҳ таолонинг фазли ила яхши томонга

Ўзгаради.

3. Ким охират ишига эътибор қаратса, Аллоҳ таоло у бандасининг дунё ва охират ишига кифоя қилади.

Аллоҳ таоло ибодатларга эътиборини кучайтирган бандасининг дунёдаги ва охиратдаги ишларини ўнглаб қўяди.

Нозимжон Ҳошимжон

Ушбу мақола Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2023 йил 11 августдаги 03-07/6522-рақамли хулосаси асосида тайёрланди.